



Ulloq 30.november 2007

Inatsisartut suleriaasianni § 36 imm. 1 naapertorlugu Naalakkersuisunut imaattumik apeqquteqarpunga:

Naalakkersuisunut apeqqut: Kalaallit Nunaanni inuiattut ajunaarnersuarni annertuuni soorlu umiarsuit takornariartaatit aporneranni, timmisartorsuit nakkarneranni, nappaatini tuniluuttuni, imaani uuliamik maqisoornerni, akuutissanik mingutsitsisunik pinngortitamut aniatitsinerni assigisaannilu ajunaarnersuaqarnissaanut piareersimanissamut pilersaaruteqarpa? Naalakkersuisut akissutaanni sumiiffinni ataasiakkaani annaassiniarnissamut piareersimanerup, sullissinernik assigiinngitsunik ataqatigiissaarinerup tamatumalu annertussusia nassuiarneqassasut piumasarineqarpoq. Tassunga ilanngullugu kissaatigineqarpoq annaassiniarnermik sullissinerit annertuut qanoq atorsinnaatiginersut, taakkua qanoq atulersinneqartarnersut kiisalu sumiiffinni assigiinngitsuni kikkut piareersimasuunersut.

(Inatsisartunut ilaasortaq Marie Fleischer, Demokraatit)

Tunngavilersuut:

Umiarsuup takornariartaatip Explorerip Sikuijuitsumi Kujallermi ilulissamut apornera kingornalu kivinera takoreerlugu isumakuluutigilerpara uagut Kalaallit Nunatsinni inuppassuarnik eqqiumik ajunaarnersuit qanoq iliuuseqarfigisinnaanerivut.

Taamatut ajornartorsiummik isiginninnermut aluminiumimik aatsitsissuteqarnermi suliffissuaq imaannaangitsumik aniatitsisusaaq, umiarsuit takornariartaatit amerliartortut, pinngortitarput mianernartoq il.il. ilanngunneqarsinnaapput.

Aammattaaq Sullupaluup qularnangilluinnartumik sikuerunnissaanut atatillugu imartatsinni umiarsuartigut angallattoqarnerulernissaa misigilissavarput. Tamatumani uuliamik maqisoornissamut, ikkarlittoqartarnissaanut il.il. navianartorsiornissaaq annerulissaaq sillimaffigisariaqagarput. Taava apeqqutaalerpoq; sillimanissamut pilersaarut taamatut annertutigisoq kivissallugu piareersimanerluta?

Maannakkut oqaluusereqattaarparput sillimaniarnermi SAR-i sumi inissisimassanersoq, qallunaat naalagaaffiata aningaasat killeqareeqisut tassunga aningaasaliissutigisaanik Naalakkersuisullu nammineq aqutassaat.

Uunga pisisimangilagut, qallunaat naalagaaffiat aningaasanik amerlanernik piumaffigissallugu, soorunalimi naalagaaffeqatigiit akornanni ajornerusumik inissisimassanginnatta.

Paasineqarpat annaassiniartarneq ”naligninnaasoq” naammaginartumik kivissinnaangikkipput, taava qanoq isilluta ajunaarnersuarni piareersimaneq kivissinnaassuarput?

Naalakkersuisut akissutaat 13. december 2007 nallertinnagu tinguneqassaaq.